

令示

大總統令江蘇都督轉飭南洋印刷廠職員迅辦交代

據該都督呈稱南洋印刷廠確屬江蘇財產含省有之性質今政府既需借用自無不可請令行該都督存案轉飭遵辦並據該廠總理茅乃登及廠員公稟以該廠自茅乃登接管後並未領有官款請將茅乃登接辦後籌墊及積欠職員工役薪資等分別給還前來查該廠既係江蘇產業自應由政府借用合行令仰該都督遵照迅即轉飭該廠職員尅日清算款項整理簿籍將全廠事務交本府印鑄局長黃復生管理至該廠經理茅乃登所墊之款及積欠職員工役薪資應俟交代時由接收職員體察情形酌量辦理固不可累及私人亦不能濫支公帑並將此意轉飭知之此令

陸軍部通飭各軍隊嚴禁軍人冶遊聚賭文

爲飭禁事照得民軍起義原欲滌除滿清積弊增進社會文明凡屬軍士宜如何淬厲精神激發志氣共圖厥成詎在京各軍隊竟有恃強鬧娼聚賭酗酒及無故荷鎗結隊嬉遊街市致與惡少痞徒無從辨別者放縱卑劣莫此爲甚前奉總統府令開據外國泰晤士

報詳載民軍此種行為勸諷交加極堪愧悚飭即嚴行整頓等因業由本部召集各軍官開軍事會議約定改良辦法諒已特飭一體遵照矣乃近聞開娼聚賭之風仍未稍從未減推其流弊必至人民視若虎狼紀律任其破壞此種行動在滿清野蠻時代尙不如此之甚不謂我民國義軍竟亦有甘蹈此惡習者言之痛心見者側目自此以後惟有嚴密查拿按律懲辦以肅軍紀各軍官有督率之責尤應時加訓誡嚴行約束本部言出法隨決不稍縱爲此通行令知令到該軍官即便轉飭一體遵照毋違切切此令 二月九日

陸軍部電致各省都督各軍政分府嚴禁私募軍餉文

各省都督各軍政分府鑒私自勸募軍餉本部前已三令五申嚴禁在案茲查仍有籍籍餉爲名到處招搖闖騙者殊屬自無法紀用特電達各省都督各軍政分府凡各地若有此項募捐人員應請就地一律嚴禁以保民國名譽而固民心如有違抗不遵者務請嚴懲不貸以儆效尤是爲至禱陸軍部印

陸軍部軍幣兌換所告示

照得兌換所之設因軍票發行流通市面特恐資本最小之商往往以一二元細數難資

周轉本部爲體恤小商維持市面起見特設此所凡爾軍民人等如持軍票來所兌現洋者以二元爲限每日自早八點鐘起至下午四點鐘止在本所兌換倘敢不遵此限制定即嚴懲不貸爲此示仰闔城軍民人等一體週知其各懷遵毋違特示

陸軍部據商會呈設立臨時兌換處告示

照得本部發給各營隊軍用鈔票業經設立兌換所以資兌換并出示曉諭在案茲據商務總會呈稱中央銀行刻未開市已暫由該會設立臨時兌換處以維持市面等因前來查該會所設兌換處專爲維持市面而設爲此出示曉諭各軍隊人等既有本部兌換所可以兌現毋得持多票往該處兌換致資紛擾其各懷遵毋違切切此示

陸軍部傳知各處通用浙省鈔票告示

照得軍用鈔票原爲活動金融機關若論界限留難阻滯甚於民國共和政體相背茲有北伐浙軍帶來浙省鈔票通行市面惟恐商民人等謬持昔日錮見交相推阻爲此出示曉諭仰商民人等一體週知凡遇有浙省鈔票當一律通行勿得留難阻滯致碍大局切切毋違特示

紀事

大總統敦聘章太炎先生為樞密顧問書

太炎先生執事自金輪失馭諸夏沉淪炎黃子姓歸於億隸天右厥衷人神奮發禹域所封指顧奠安實賴二三先達啓牖之功文亦得密勿以從於諸君子之後惟日孜孜猶多隕越光復閉業懼有蹉失唯冀耆碩之士為之匡襄砥厲民德綱維庶政豈惟文一人有所架臬冠裳所及實共賴之執事日空五蘊心殫九流擷百家之精微為並世之儀表敢奉國民景仰之誠屈為樞密顧問庶幾頑懦聞風英彥景增昭大業於無窮垂型範於九有佇盼高風無任向往急惠軒車以慰飢渴

法制局薦任職員名單

法制局編制員

瞿方書

法制局編制員

曹昌麟

法制局編制員

劉伯昌

法制局編制員

姜廷榮

法制局秘書長

劉健

法制局參事

毛昌傑

法制局參事

仇鰲

法制局秘書

吳兆桓

法制局編制員

楊勉之

法制局調查員

張周

法制局調查員

易鯤圖

法制局參事

秦嵩年

法制局編制員

劉馥

法制局調查員

李懷亮

法制局調查員

黃序鵠

交通部薦任職員名單

兼任招商總局督辦

滬軍都督陳其美

招商總局總辦

陳輝廷

招商總局總辦

關子明

(0255)

臨時政府公報

總第

第十三號

六



臨時政府公報

附錄

中華民國元年二月十一日星期日

隨報附出 不另徵費

電報

廣東陳都督轉港澳招商局股東甘作培鄧榮基等及報界公鑒民國政府以軍需孔急非得鉅款無以解當前之困難故有以招商局產抵借之議仍由政府担任償還於招商局權利無損乃滬局開會通過而港澳股東反對須知將士爲民國不惜身命商民亦同休戚蘇路浙路俱屬商業今皆承認借押並非強招商局獨爲其難爲此電告各股東勿生誤解貽粵人羞切切總統孫文

(南京去電)

上海伍廷芳先生鑒轉北京電悉張勳爲民軍擊退所報殺使等事殊爲子虛現查張勳俛嗣冲均增兵增械勢欲南下俛軍尤爲狡詐屢誘攻穎上民團慘殺無狀應請彼方嚴行約束勿使徒託函電空言至退位之事更宜催促早定不堪久待也總統孫文叩庚

(南京去電)

桂林陸榮廷都督鑒陽電悉尊處委曲情形已得陳司令詳述執事有維持公安之責乘

公執法無所容其遷避果真有槍掠劫殺之舉動自要嚴懲即係民軍亦以守法與否爲斷惟執事審察情形辦理可也總統孫文佳

(南京去電)

武昌黎副總統鑒虞電悉禁烟事件須俟得某國承認後始能協商至轉賣一節非禁烟之良法現時南洋各埠辦此實於禁烟進步有阻蓋視爲一種收入必難收淨絕之效理勢然也故即將來官賣之法亦恐無以取信內外而必其辦到此復總統孫文佳

(南京去電)

孫大總統黃陸軍長參議院議員諸公鑒查優待清帝條件第一款遜位之後尊號仍存云云貌襲文明實伏亂源竊不敢取夫君主民主國體絕不相容總統皇帝名稱自不能兩立今總統之外再擁皇帝非驢非馬不獨無以尊崇國體實恐見侮外人其危險一清廷退位非出於禪讓之本心而屈於民軍之勢力若陽許遜位陰行帝制將來暗植私黨巧借外援路易十六之禍行將立見其危險二既許以外國君主之禮相待本無干涉內政之特權惟國交儀式係尊重其國體非尊重其個人玉帛往來僅一時之禮遇今清廷退位國體變更五種民族視爲一體君權已全體取消帝號竟無所依據若視爲外國君

主而稱帝於民國之內則將懷抱野心煽惑蒙蔽徐圖恢復啓藩部分離之漸壞中華統一之基其危險三遜位之後領土主權一律轉移於民國此應然之勢若仍擁帝號難保無爾巽升允之徒地據偏隅遙奉名義以相號召將來內部征討勞民傷財殆無甯日其危險四且就事實行之清廷一面講和一面備戰山陝民軍迭遭蹂躪那喇戰澤私借外兵將來利用保皇名義陰行割據手段破壞大局貽害子孫其危險五頃閱總統及陸軍長通電亦知停戰展期不可再允鄙意空文辯駁實墮虜計而譚士心現南北軍隊既經聯絡彼寡我衆彼曲我直以此進戰何攻不克惟有激勵各軍同時北上人鳳立當悉索敵賦以相周旋倘再遲延翫寇長奸誰尸其咎時危事迫敢效狂言知我罪我聽諸公論北面招討使譚人鳳叩齊印

孫大總統黃陸軍總長鑒頃接北京哀內閣洽一電云接東督趙銑電稱民軍以多兵由金州中立隙地登岸云又奉軍馬統領龍潭刪電稱莊河境尖山口初十午後民軍艦五艘運下大炮十餘尊子彈炸彈多箱民黨三百餘名內有洋人三十餘名本地土匪亦皆附入其砲位安置米家商墩台後玉皇廟尖山口四處逼向我軍云此等舉動實是敗壞

大局咎有攸歸况現方續議停戰和平有望希嚴切電飭該民軍迅即退回免致另生枝節是爲至要迅復等語查金州等處密邇日界民軍進行亟應審慎倘舉動稍越範圍輒生外交重要問題決非吾人所忍出况目下續定停戰期限和議將有端倪似不宜過以武力相逼乞酌核情形立刻電飭金州等處民軍聽候尊處命令免生枝節至盼廷芳語

(上海來電)

孫大總統武昌黎副總統南京陸軍部黃總長陸都督鈞鑒祥於五號抵長抄當此倉卒出師所部將士均曾經戰陣強幹耐勞惟編制訓練多未完備擬即進駐孝感改編成協補授戰法以期連合各界協力進攻早定中原一切作戰方略總乞隨時命他令導爲禱
桂林都督王芝祥叩七號

(長沙來電)

孫總統鑒敝省雖稱獨立而一切用人行政純與本黨共和宗旨反對現已電陸都督暨議院提議本黨要求各件一不准沿用亡清舊巡防隊名目及編制二現存五百餘萬公款應開列預算表冊開銷不准分文濫用三軍政府用人應由公民選舉以備委任四不准祖護官犯及漢奸五悉數招撫綠林分別安置六除劫掠外不得誣民軍爲匪七征集

北伐軍照原案辦理趕速出發請其明確速復否則本黨用相當手段以促進行事開政
治革命行動合先電告以免誤會共和黨廣西支部劉嘯等叩

(廣西來電)

大總統黎副總統伍外交總長鈞鑒頃接西安張都督禡日十萬火急電云敵軍敗退潼
關失守所有兵隊盡在西軾與升長二賊相持省城空虛四無援救殘敗之局勢難支持
危亡卽在目前萬望速出勁旅由漢中星馳來援庶能保此一綫生機等語據此清軍種
種違約請卽取銷和議迅整聯師大隊進發殄滅滿虜以定大局而救危亡敝處聯合川
滇黔之軍尅日出發特聞蜀軍都督張培爵夏之時印東

(重慶來電)

中華民國大總統孫鈞鑒得聞節麾已蒞江甯此次推翻滿虜掃除腥羶惟我大總統百
折不撓之心用能鼓舞羣季恢復漢業樹無前之偉烈革專制爲公和薄海蒼生重觀天
日聞各省都督全體公舉我大總統爲中華大總統較德論功實與華盛頓後先媲美欽
服無已謹肅軍賀滇西同志張文光叩

(雲南來電)

中華民國孫大總統萬歲雲南臨時省議會陽歷正月望日

(雲南來電)

大總統鈞鑒各部總次長參議諸公副總統各省都督各部總司令鈞鑒謹率全國民恭

賀新禧蔡鐸嘜

(雲南來電)

南京大總統孫鈞鑒元贊同共和前已聯名電奏並聯名電致吳代表茲復電請從速發表以謀同胞幸福奉復電一俟優待條件議定即可解決等因昨由熊派員至宿州並備文請貴司令部派代表相與接洽卽乞電致宿州彼此既表同情務須和衷協商各守信約不勝盼禱山東陸軍司令部兼會辦山東防務吳鼎元個

大總統各部總長武昌副總統西安張都督均鑒張都督號電敬悉清兵於停戰期內侵略秦晉輕蔑成約張都督請聯軍北上覆其巢穴早定大計自是切要之圖請大總統定奪施行使西北同胞早登衽席不勝企望之至桂都督陸榮廷叩廿五號

(桂林來電)

孫大總統鑒鴉片之害中華受害最深鄂中現行禁種禁吸惟禁運尙難獨任洋藥不斷其來源種吸必難於禁絕查陰歷上年夏季與英國訂約除加稅外各省進口必視人民戒除淨盡爲衡是禁運必難著效敝處擬請中央政府先與英國交涉將洋藥歸我官賣倘能辦到土藥自易就理而種吸禁令尤易見功惟現在能否照辦亟須商酌請電復元

洪慶

(武昌來電)

教育部總長蔡元培對於新教育之意見

近日在教育部與諸同人新草學校法令以爲徵集高等教育會議之預備頗承同志
餉以謙論願關於教育方針者殊寡輒先述鄙見以爲嚶引幸海內教育家是正之

教育有二大別曰隸屬於政治者曰超軼乎政治者專制時代（兼立意而含專制性質者言之）教育家循政府之方針以標準教育常爲純粹之隸屬政治者共和時代教育家等立於人民之地位以定標準乃得有超軼政治之教育

清之季世隸屬政治之教育騰於教育家之口者曰軍國民教育夫軍國民教育者與社會主義僞馳在他國已有道消之兆然在我國則強鄰逼處亟圖自衛而歷年喪失之國權非憑藉武力勢難恢復且軍人革命以後不保無軍人執政之一時期非行舉國皆兵之制將使軍人社會永爲全國中特別之階級而無以平均其勢力則如所謂軍國民教育者誠今日所不能不採者也

雖然今之世界所恃以競爭者不僅在武力而尤在財力是武力之半亦由財力而孳乳於是有第二之隸屬政治者曰實利主義之教育以人民生計爲普通教育之中堅其主

張最力者至以普通學術悉寓于樹藝烹飪裁縫及金木土工之中此其說創於美洲而近亦盛行於歐陸我國地竇分發實業界之組織尙幼稚人民失業者至多而國甚貧實利主義之教育固亦當務爲急者也

是二者所謂強兵富國之王義也願兵可強也然或溢而爲私門爲侵略則奈何國可富也然或不免知欺愚強劫弱波而爲貧富懸絕資本家與勞動家血戰之慘劇則奈何曰教之以公民道德何爲公民道德曰法蘭西之革命也所標揭者曰自由平等親愛道德之要旨盡於是矣孔子曰匹夫不可奪志孟子曰大丈夫者富貴不能淫貧賤不能移威武不能屈自由之謂也古者蓋謂之義孔子曰己所不欲勿施於人子貢曰我不欲人之加諸我也吾亦欲毋加諸人禮大學記曰所惡於前毋以先後所惡於後毋以從前所惡於右毋以交於左所惡於左毋以交於右平等之謂也古者蓋謂之恕自由者就主觀而言之也然我欲自由則亦當尊人之自由故通於客觀平等者就客觀而言之也然我不以平等遇人則亦不容人之以不平等遇我故通於主觀二者相對而實相成要皆由消極一方面言之苟不進之以積極之道德則夫吾同胞中因有因生稟之不齊境遇之

所迫企自由而不遂求與人平等而不能者將一切摺置之而所謂自由若平等之量仍不能無缺陷孟子曰鰥寡孤獨天下之窮民而無告者也張子曰凡天下疲癯殘疾惻獨鰥寡皆吾兄弟之顛連而無告者也禹思天下有溺者由已溺之稷思天下有飢者由已飢之伊尹思天下之人匹夫匹婦有不與被堯舜之澤者若已推而納之溝中孔子曰己欲立而立人已欲達而達人親愛之謂也古者蓋謂之仁三者誠一切道德之根原而公民道德教育之所有事者也

教育而至於公民道德宜若可爲最終之鵠的矣曰未也公民道德之教育猶未能超軼乎政治者也世所謂最良政治者不外乎以最大多數之最大幸福爲鵠的之最大多數者積最少數之一人而成者也一人之幸福豐衣足食也無蓄無害也不外乎現世之幸福積一人幸福而爲最大多數其鵠的猶是立法部之所評議行政部之所執行司法部之所保護如是而已矣卽進而達禮運之所謂大道爲公社會主義家所謂未來之黃金時代人各盡其所能而各得其所需要亦不外乎現世之幸福盡政治之鵠的如是而已矣一切隸屬政治之教育充其量亦如是而已矣

雖然人不能有生而無死現世之幸福臨死而消滅人而僅僅以臨死消滅之幸福爲鵠的則所謂人生者有何等價值乎國不能有存而無亡世界不能有成而無毀全國之民全世界之人類世相傳以此不能不消滅之幸福爲鵠的則所謂國民若人類者有何等價值乎且如是則就一人而言之殺身成仁也舍身取義也舍己而爲羣也有何等意義乎就一社會而言之與我以自由乎否則與我以死爭一民族之自由不至瀝全民族最後之一滴血不已不合全國爲一大家不已有何等意義乎且人既無一死生破利害之觀念則必無冒險之精神無遠大之計劃見小利急近功則又能保其不爲失節墮行身敗名裂之人乎諺曰當局者迷旁觀者清非有出世間之思想者不能善處世間事吾人即僅僅以現世幸福爲鵠的猶不可無超越現世之觀念况鵠的不止於此者乎以現世幸福爲鵠的者政治家也教育家則否蓋世界有二方面如一紙之有表裏一爲現象一爲實體現象世界之事爲政治故以造成現世幸福爲鵠的實體世界之事爲宗教故以擺縱現世幸福爲作用而教育者則立于現象世界而有事于實體世界者也故以實體世界之觀念爲其究竟之大目的而以現象世界之幸福爲其達到于實體觀

念之作用

然則現象世界與實體世界之區別何在耶曰前者相對而後者絕對前者範圍于因果律而後者超軼乎因果律前者與空間時間有不可離之關係而後者無空間時間之可言前者可以經驗而後者全恃直觀故實體世界者不可名言者也然而既以是爲觀念之一種矣則不得不強爲之名是以或謂之道或謂之太極或謂之神或謂之黑暗之意識或謂之無識之意志其名可以萬殊而觀念則一雖哲學之流派不同宗教家之儀式不同而其所到達之最高觀念皆如是（最淺薄之唯物論哲學及最幼稚之宗教祈長生求福利者不在此例）

然則教育家何以不結合于宗教而必以現象世界之幸福爲作用曰世固有厭世派之宗教若哲學以提撕實體世界觀念之故而排斥現象世界固以現象世界之文明爲罪惡之源而一切排斥之者吾以爲不然現象實體僅一世界之兩方面非截然爲互相衝突之兩世界吾人之感覺既託于現象世界則所謂實體者即在現象之中而非必滅乙而後生甲其現象世界間所以爲實體世界之障礙者不外二種意識一人我之差別二

幸福之營求是也人以自衛力不平等而生強弱人以自存力不平等而生貧富有強弱貧富而彼我差別之意識起弱者貧者苦于幸福之不足而營求之意識起有人我則于現象中爲種種之界畫而與實體違有營求則當其未遂爲無已之苦痛及其既遂爲過量之要素循環於現象之中而與實體隔能劑其平則肉體之享受純任自然而意識界之營求泯人我之見亦化合現象世界各別之意識爲渾同而得與實體膈合焉故現世幸福爲不幸福之人類到達於實體世界之一種作用蓋無可疑者軍國民實利兩主義所以補自衛自存之力之不足道德教育則所以使之互相衛互相存皆所以泯營求而忘人我者也由是而進以提撕實體觀念之教育

提撕實體觀念之方法如何曰消極方面使對於現象世界無厭棄而亦無執著積極方面使對於實體世界非常渴慕而漸進於領悟循思想自由言論自由之公例不以一流派之哲學一宗門之教義梏其心而惟時時懸一無方體無終始之世界觀以爲鵠如是之教育吾無以名之名之曰世界觀教育

雖然世界觀教育非可以旦旦而聒之也且其與現象世界之關係又非可以枯槁單簡

之言說變而取之也然則何道之由曰由美感之教育美感者含美麗與尊嚴而言之介乎現象世界與實體世界之間而爲之津梁此爲康德所創通而嗣後哲學家未有反對之者也在現象世界凡人皆有愛惡驚懼喜怒悲樂之情隨離合生死禍福利害之現象而流轉至美術則卽以此等現象爲資料而能使對之者自美感以外一無雜念例如采蓮煮豆飲食之事也而一入詩歌則別成興趣火山赤舌大風破舟可駭可怖之景也而一入圖畫則轉堪展玩是則對於現象世界無厭棄而亦無執著也人既脫離一切現象界相對之感情而爲渾然之美感則卽所謂與造物爲友而已接觸於實體世界之觀念矣故教育家欲由現象世界而引以到達於實體世界之觀念不可不用美感之教育五者皆今日之教育所不可偏廢者也軍國民主義實利主義德育主義三者爲隸屬於政治之教育(吾國古代之道德教育則間有兼涉世界觀者當分別觀之)世界觀美育主義二者爲超軼政治之教育

以中國古代之教育證之虞之時變典樂而教胄子以九德德育與美育之教育也周官以鄉三物教萬民六德六行德育也六藝之射御軍國民主義也書數實利主義也禮爲

德育而樂爲美育以西洋之教育證之希臘人之教育爲體操與美術卽軍國民主義與美育也歐洲近世教育家如海爾巴脫氏純持美育主義今日美洲之德弗伊派則純持實利主義者也

以心理學各方面衡之軍國民主義毗於意志實利主義毗於知識德育兼意志情感二方面美育毗於情感而世界觀則統三者而一之

以教育界之分言三育者衡之軍國民主義爲體育實利主義爲智育公民道德及美育皆毗於德育而世界觀則統三者而一之

以教育家之方法衡之軍國民主義世界觀美育皆爲形式主義實利主義爲實質主義德育則二者兼之

譬之人身軍國民主義者筋骨也用以自衛實利主義者胃腸也用以營養公民道德者呼吸機循環機也周貫全體美育者神經系也所以傳導世界觀者心理作用也附麗於神經系而無迹象之可求此卽五者不可偏廢之理也

本此五主義而分配於各教科則視各教科性質之不同而各主義所占之分數亦隨之

以異

國語國文之形式其依準文法者屬於實利而依準美詞學者屬於美感其內容則軍國民主主義當占百分之十實利主義當占其四十德育當占其二十美育當占其二十五而世界觀則占其五

修身德育也而以美育及世界觀參之

歷史地理實利主義也其所敘述得並存各主義歷史之英雄地理之險要及戰蹟軍國民主主義也記美術家及美術沿革各地風景及所出美術品美育也記聖賢述風俗德育也因歷史之有時期而推之於無終始因地理之有涯涘而推之於無方體及夫烈士哲人宗教家之故事及遺蹟皆可以爲世界觀之導線也

算學實利主義也而數爲純然抽象者希臘哲人畢達哥拉士以數爲萬物之原是亦世界之一方面而幾何學各種綫體可以資美育

物理化學實利主義也原子電子小莫能破愛耐而幾範圍萬有而莫知其所由來莫窮其所究竟皆世界觀之導線也視官聽官之所觸可以資美感者尤多

博物學在應用一方面爲實利主義而在觀感一方面多爲美感研究進化之階段可以養道德體驗造物之萬能可以導世界觀

圖畫美育也而其內容得包含各種主義如實物畫之於實利主義歷史畫之於德育是也其至美麗至尊嚴之對象則可以得世界觀
唱歌美育也而其內容亦可以包含種種主義
手工實利主義也亦可以興美感

遊戲美育也兵式體操軍國民主義也普通體操則兼美育與軍國民主義二者

右之所箸僅具辜較神而明之在心知其意者

滿清時代所謂欽定教育宗旨者曰忠君曰尊孔曰尙公曰尙武曰尙實忠君與共和政體不合尊孔與信教自由相違（孔子之學術與後世所謂儒教孔教當分別觀之嗣後教育界何以處孔子及何以處孔教當特別討論之茲不贅）可以不論尙武卽軍國民主義也尙實卽實利主義也尙公與吾所謂公民道德其範圍或不免有廣狹之異而要爲同意惟世界觀及美育則爲彼所不道而鄙人尤所注意故特疏瀹而證明之以質於當代教育家幸教育家平心而討論焉

本報暫定則例

一 本報爲臨時政府刊行故定名爲臨時政府公報

二 本報以宣布法令發表中央及各地政事爲主旨

三 本報暫定門類六曰法制曰令示曰紀事曰抄譯外報曰雜報其子曰

見前

四 本報日出一冊如遇國家紀念日星期日政府停止辦公時本報亦停

刊一日

五 政府對於各地所發令示或宣布法律凡載登本報者公文未到以本

報到後爲有效

六 凡各官署皆有購閱本報之義務唯具印文請領者皆照定價五折徵

納餘另詳前價目表

本報白

本報局設在大總統府內

總發行南京花牌樓太平街四號

分售處南京中華報

南京中正街昇平橋易安精舍

外埠經售處

鎮江

上海

興漢日報

民立報

大共和報

時報

申報

新聞報

天鐸報

時事新報

啓民愛國報

神州報

中外日報

廣州

天津

舊金山

檀香山

中國日報

民意報

大同報

中西報

少年報

自由新報

教育部徵集國歌廣告

國歌所以代表國家之性質發揚人民之精神其關係至大今者民國成立尙未有美善之國歌以供國民諷誦良用慙焉本部現擬徵集歌譜俟取材較多再敦請精於斯學者共同審定頒行全國倘蒙海內音樂名家制作曲譜並附歌詞郵寄本部不勝企盼之至

教育部謹啟

總統府秘書處白

府內財政部羅蔡失去符號茲亟登報聲明自後如有佩用羅蔡符號者門衛得阻不令進此白

本報廣告

查公報官報等體裁多於正報而外有號外附錄以爲登載法律命令以外之件如草案電報議會速記錄等類本報開辦依始法制院所訂草案尙未經參議院議決故門類從權暫定茲特於第十一號以後附出號外雜錄各件以備觀覽前者編輯員誤登閩都督府件如有號外附錄則似無此種屬雜之忠也

特 白

◎本報特白◎

本報因開辦伊始發布各件不多故報材未富自後政令日繁表示自夥應儘所有掲載固無頁數多寡之限制也

◎本報特白◎

本報開辦伊始趕急排印出版手民過於動勞茲定星期一休息一天